

# ЛҮИМА СЭРИПОС

10 января  
2019 года  
№1  
(1187)

Общественно-  
политическая газета  
Ханты-Мансийского  
автономного  
округа-Югры

[www.khanty-yasang.ru](http://www.khanty-yasang.ru)

E-mail: [gazeta@khanty-yasang.ru](mailto:gazeta@khanty-yasang.ru)

Основана 11 февраля 1989 года

## Йильпи 2019 тал та ёхтыс



В. Узель вӑрум хури

Ты хуриг Хальӱс район Саранпӱвӱт блнӱ мӱнӱци нӱкве Оксана Михайловна Гоголева Коля пыге ёт пӱслым блнӱ. Оксана Михайловна мӱнӱ нӱврамӱт ургалан колг рупинӱ. Коля пыггӱт сака кӱркӱмӱт яныгми, тав Эрнӱ, Йӱквӱ, сӱвсыр касылыг касы. Ты мӱнӱци колгӱнӱ урыл 7 лӱпсыг ловиньтӱн.

Ты  
номерт  
ЛОВИНЫТӱН:

Вӱтихал  
акван вос  
хӱнтхатыглӱв

3

Нӱхщамвӱль  
пӱвӱлт сӱв  
тал яныг  
лӱккар ӱраве

5

Йӱсунт пӱвӱлт  
яныгмам ойка

7

Сӱсныл вӱрим  
пӱс пормасыт

13

Хуриг сунсыглым  
лӱимӱ мирыт  
вӱвет

16

# 2019 тәл

## Январь (Тәл котиль этпос)

ПН		7	14	21	28
ВТ	1	8	15	22	29
СР	2	9	16	23	30
ЧТ	3	10	17	24	31
ПТ	4	11	18	25	
СБ	5	12	19	26	
ВС	6	13	20	27	

## Февраль (Рётың юсвой этпос)

	4	11	18	25	
	5	12	19	26	
	6	13	20	27	
	7	14	21	28	
1	8	15	22		
2	9	16	23		
3	10	17	24		

## Март (Мәньюль этпос)

	4	11	18	25	
	5	12	19	26	
	6	13	20	27	
	7	14	21	28	
1	8	15	22	29	
2	9	16	23	30	
3	10	17	24	31	

## Апрель (Яныгпöль этпос)

ПН	1	8	15	22	29
ВТ	2	9	16	23	30
СР	3	10	17	24	
ЧТ	4	11	18	25	
ПТ	5	12	19	26	
СБ	6	13	20	27	
ВС	7	14	21	28	

## Май (Яңк нәтнә этпос)

	6	13	20	27	
	7	14	21	28	
1	8	15	22	29	
2	9	16	23	30	
3	10	17	24	31	
4	11	18	25		
5	12	19	26		

## Июнь (Лүпта этпос)

	3	10	17	24	
	4	11	18	25	
	5	12	19	26	
	6	13	20	27	
	7	14	21	28	
1	8	15	22	29	
2	9	16	23	30	

## Июль (Öйттур этпос)

ПН	1	8	15	22	29
ВТ	2	9	16	23	30
СР	3	10	17	24	31
ЧТ	4	11	18	25	
ПТ	5	12	19	26	
СБ	6	13	20	27	
ВС	7	14	21	28	

## Август (Вөртур этпос)

	5	12	19	26	
	6	13	20	27	
	7	14	21	28	
1	8	15	22	29	
2	9	16	23	30	
3	10	17	24	31	
4	11	18	25		

## Сентябрь (Сүкыр этпос)

	2	9	16	23	30
	3	10	17	24	
	4	11	18	25	
	5	12	19	26	
	6	13	20	27	
	7	14	21	28	
1	8	15	22	29	

## Октябрь (Мәнью таквс этпос)

ПН		7	14	21	28
ВТ	1	8	15	22	29
СР	2	9	16	23	30
ЧТ	3	10	17	24	31
ПТ	4	11	18	25	
СБ	5	12	19	26	
ВС	6	13	20	27	

## Ноябрь (Яныг таквс этпос)

	4	11	18	25	
	5	12	19	26	
	6	13	20	27	
	7	14	21	28	
1	8	15	22	29	
2	9	16	23	30	
3	10	17	24		

## Декабрь (Вәт сәграпнал этпос)

	2	9	16	23	30
	3	10	17	24	31
	4	11	18	25	
	5	12	19	26	
	6	13	20	27	
	7	14	21	28	
1	8	15	22	29	

## ЛЯХХАЛЫТ

**Ятил маныщи миртёв!***Йильпи 2019 тал ёт нанан сымыңыщ янытлыяну!*

Н. Меров вӑрумхури

2019 тал Мӑ янытыл ӧлнэ сossa мирыт щӑнь лӑтың тӑлыг намаявес. Таимӑгыс нанан лӑвӑгум, ома, анӑкват-щӑкват нӑвраманыл ос апагныл ёт щӑнь маныщи лӑтңыл пуссын вус потыртӑгыт! Ты тӑлт маныщи лӑтың элалъ тотнэ мӑгыс нан сӑв емас вӑрмалъ вус вӑрегын!

Россия мӑвт 2019 тал Театр тӑлыг намаявес. Уй йиквнэ пора маныщи мирув палт театр хольт ӧлы. Йильпи тӑлт алыщлан сӧт вус ӧщнувув, мӑнки тӑлыглапанув элалъ сӑвмалтан мӑгыс мӑн ты ялпың хӧталт пуссын вус атханувув!

2019 тал мӑн Ханты-Мансийский автономный округувт Колтагыл тӑлыг намаим ӧлы. Сӑв сӧт, колтагыл сым рӑг нан вус ӧщсын, щӑгталпы ёт ляпа рӑтанын ос мӑхманын ёт вӑйхатуңке!

Ты тӑлт манылат мӑхмытныл сӑв йильпи колтагыл вус емты, тӑн мӑн маныщи мирув вус ӑрмалтыяныл ос йис тӑгыл ӧлнэ накув, ӑрганув-мӧйтанув элалъ вус тотыяныл!

**Янытлан лӑтың  
Государственный Дума  
депутат  
Татьяна Гоголева тӑтыс**

**Вӑтихал акван вос хӧнтхатыглӑв**

**Тӑл оигпан ляпат Ханты-Мансийск уст «Югра лылыӑп» организация хӧтпат тӑнки рупитан коланылн яныгпӑла ӑкват ос ӧйкат мӑйлуңке вӧвиньтӑлсаныл.**

Ӧвлӑт тӑн уст ӧлнэ «Югра лылыӑп» общественный организация 2018 тал сыс вӑрум рупататэ урыл потыр хӧнтлысыт. Ты тӑлат ӧвылтыт Людмила Гурьева (Спирякова) потыртас ос Фаина Иштимирова мӑйлын мӑхум мӑгыс кас варыс. Ты нӑг сас уст ӧлнэ мир мӑгыс сӑвсыр тӑлат вӑруңке

нӑтӑг. Аквӑт тӑлат элалъ тотнэ мӑхманӑн ёт ус манос округ сӑвсыр касылыт, ханищтапыт ӧлнӑныл порат тот ӧс нӑтсыт, тувыл хӧнтлум мӑхманув кӑстыглан мӑгыс кӑсың тӑл «Бесмертный полк» наппа акцият хурит кӑтыт пувим ӑмегыт. Туи мӑнхӑпыл касуңке ялантӑгыт.

Таквсы порат Фаина Иштимирова Ханты-Мансийскат ӑргын, йиквнэ нӑквет ос нӑврамыт акван-атсанэ ос «Ӕмвош ӑх» тӑнкинӑныл намтсаныл. Тув уст ӧлнэ сossa нӑт ӑхталӑгыт ос тӑн сӑвсыр ханты ӑргыт ӑргӑгыт. Ань тӑн тот хӑрум ӑрыг ӑргысыт. Тӑн коньпӑланыл Марина Неттина, Маргарита Фӑдоровна Рябова ос Людмила Романовна Хомляк ӑргысыт, йиквсыт, нас ощхуль вӑрсыт.

Маныщи хӧтпат ансамбль вӑрнэ мӑгыс ӧс акван-атхатуңке вӧвавет, мӑнки пӑс накув ӧс вос суссылтыянув. Ань маныщи лӑтңыл Мария Тихоновна Двинянинова Хӑльӑс район Хулюмсунт пӑвылныл ӑхталан нӑ ос Светлана Силивӑрстовна Динисламова тӑнки хансум стиханӑн ловиньтасыг. Ты вӑрмалъ мӑйлын хӧтпатн сака мӑстыс. Юван Шесталов хансум потре Альбина Николаевна Мехнина, ӑщӑн,

ловиньтавес.

Мӑй мӑхум тот акврущ хум ёт вӑйхатасыт. Тав наме Виктор Николаевич Рыжов, ӧйка лӑимӑ ӧлупсав урыл стихыт хансы ос ӑргыг вӑриянэ. Ань тав гармошкал ӑнгыс ос Фаина Павловна ёт аквӑтӑргысыг. Александр Михайлович Константинов, яныгпӑла сossa мӑхум Советыт ӧлнэ кӑщай ӧйка, ӧс такем нӑтнэ турсуил ӑргыт ӑргыс.

Яныгпӑла мӑй хӧтпат пӑмаципа лӑтың лӑвсыт, тӑн тамле мӑн вӧвиньтанӑныл порат пуссын щӑгтӑгыт. Фаина Иштимирова лӑвнӑтэ щирыл, ань ялпың хӧталыт порат акван-хӧнтхатыглаңке ӑри, тьи мӑн ялпың хӧталанув.

Мӑн, газетат рупитан мӑхум, Йильпи 2019 ӧвылтахтам тӑлыл мӑхманув янытлыянув! Пус кӑт, пус лӑгыл, ос Тӧрум ёт, Отыр ёт элалъ ӧлуңке лӑвиянув!

**Тамара МЕРОВА**



# Няхщамволь павылт сав тал яныг лёккар ураве

Хальүс район Няхщамволь павылт йильпи пұльница 2015 талт ұнттүвес. Ты элы-палт павлың махум лов тал яныг пұльница-колт пусмалтавёсыт. Таяныт кирпащ кол-капай палтыглаңкве сака сав оln эрыс, тыммагсыл пұльница лап-пантвес ос това рупитан хотпат похын кетвёсыт. Тамле тэла хунь вэрвес, павлың мир номтаныл шар ат патыс, тонт тан пуссын лавыгласыт, мүсхалыг пусмалтаңкве воссыг ат патавет.

Ань Няхщамволь павыл мань пұльница кұцаиг Валентина Михайловна Молодцова рупиты. Махум хумус тот пусмалтавет, тав маньши газетав магсыл потыртас.

— Ань ты йильпи пұльница 15 элумхолас рупиты. 2015 талт яныгполь этпост тыг вантлысүв. Ман районный пұльница нупыл ловиньтахтэв, олныл тувыл таставёв. Йильпи колт рёг, вит магсыл ань мощца олн холтэв. Та яныг кирпащ кол-капай воссыг ат палтыглаве, тасавит тал нас тох ұнлы, элал нэматыр воруңкве ат ке патаве, люлиг ёмты, лащал ёл та лоньхаты. Куцаит өвлэт тот мань няврамыт ургалан кол воруңкве номсысыт, тувыл акв порат павлың

миркол махум тув вантлуңкве тахсыт. Ос касың этпос рёг, найпос магсыл тасавит олн ойтуңкве нэмхотьют ат вёрми. Кұцаянув ты вэрмал урыл акваг потыртасыт, ань, улпыл, хот-ёрувласаныл, нэматыр воссыг ат лавёгыт.

Яныг пұльница ат акторыг лов элумхолас пусмалтаңкве вёрмысанүв. 2010 тал пасыл мот ширыл вэрвес, махум пұльница ити сыс воссыг ат хультуптавёсыт, тан алпыл ёхталасыт ос йтипалаг юв миначыт, руц латңыл «дневной стационарыг» лававе.

Мань пұльница хунь вантлысүв, лёккар-кұцай мот мань рупитаңкве минач. Тонт яныг лёккар-хотпа тал хультсүв. Ам тыт фельдшерыг рупитэгум. Ань



В. М. Молодцова махманэ ёт ұнды

Н. Тасманова вэрүм хури

мань лёккар-кұцай ат оныщёв, тыммагсыл махум пұльница пинуңкве ос тыт пусмалтаңкве ат вёрмианүв. Хунь лёккар тыг ёхты, тонт ос акваг ширыл рупитаңкве тах овылтахтэв. Сав тал яныг лёккар тал олэв, ты павылт рупитаңкве нэмхотьют ат таңхи.

Ты элы-палт махманув келпаныл виңкве ос ёмашакв сунсыглаңкве маньки вёрмысүв, тамле рупата магсыл ищхипың утыт оныщёв. Молты тал ты рупата вэрнэ нэ ос мот павылн вантлыс. Махум келпаныл сунсыглаңкве воссыг ат вёрмёв. Ты вэрмал урыл районный пұльница кұцаит ос ёмашакв ваганыл, тан мот лёккар кинсёгыт кос, тувыл касащан хотпа ань тыг мус ат хонтсыт.

Ам Няхщамволь павыл пұльница 15 арыгкем тал рупитэгум, хосат пенсият олэгум, лёккар-хотпа тыт атим, таиммагсыл похын ат минэгум. Няхщамволь аги Елена Алексеевна Артеева фельдшерыг Тобольск ұст ханищтахтас, ань юв ёхты. Тыт хум ва-

рыс, щаняге-ащаге ос тыт олэг. Тав ты пұльница рупиты, ам тав ань ханищтылум.

Ань 3 манос 4 тал касың тэлы порат Ханты-Мансийск ұсныл лёккарыт яныг машинал тыг ёхталэгыт, тот тан савсыр ищхипың утыт оныщёгыт, махманув хопсыяныл пославет, келпаныл вивет ос майтаныл, сыманыл ёмашакв сунсавет.

Рётың юсвой этпост манос маньполь этпост Хальүс лёккарыт нявраманув ос рупитан хотпанув сунсыяныл. Павлың махманув лёккарыт палт уральтахтуңкве пуссын ялантэгыт. Ань сав хотпанув рупата тал олэгыт ос яныг ұсн пусмалтахтуңкве ялуңкве ат вёрмёгыт, олн ат оныщёгыт. Лёккарыт акв тал кит щёс Няхщамвольн ке ёхталалнувыт, тонт тай ёмаснув олнүв.

Туи порат Хальүс трайон янытыл лёккарыт «Николай Пирогов» нампа найңхәпыл яласёгыт, касың павылн пұхталэгыт ос тот олнэ мир уральтэгыт. Мань палтув ты найңхәп ат ёхталы,



Яныг пұльница татлан ұнды

Ищхипың магвим хуригов

витэ тыт сака мән. Тувыл элумхōлас тал сыс савсыр агмыл ем-туңкве вѣрми.

**Ю**и-овыл талыт павлувт кит-хурум элумхōлас пувласпи-агмыл емтсыт. Тамле пылышмаң агм пусмалтаңкве сака тарвитың, тыммагсыл махумн ань ватихал уральтахтуңкве эри. Ты агм тара ке хонтаве, хотпа пусмалтаңкве вѣрмаве.

Лѣккарыт павлувн хунѣ ехталѣгыт, мән Нѣрахи, Яныгпавылт, Усть-Маньят олнѣ махманув тиг вѣвыглыянѣв, лѣккарытн ѳс вос сунсавет. Тән ѳс мән пѣльницав нупыл хансым ѳлѣгыт.

Нѣрахи павылт ань кит хотпаг Калинин-ѳйка ѳс Татьяна Семѣновна Тасманова туп ѳлѣг. Нѣвраманѣн Нѣхщамвѳль павылт ѳлѣгыт. Тәнаныл уральтахкве ватихал ялантѣгыт. Ты павылт мус ѣ хосыт 40 вѣрыста, тѣлы лѣнѣхе вѣтинувег ѳлы. Усть-Маньяпавылт 15 элумхōлас ѳлѣгыт. Я хосыт та павылт мус 100 вѣрыста.

Нѣхщамвѳльт ѳлнѣ щѣмьят ань та мат колыт ѣнттуңкве патсыт. Сав махум тувле нупыл няслуңкве, пум вѣруңкве ялантѣгыт. Тыммагсыл махманум хумус тот ѳлѣгыт, агмыл ке емталѣгыт, ам тара лѣваем. Тот ѳлнѣ мир магсыл мән тѣрпи атсѣв, тәнанылн кѣтсѣв. Элумхōлас агмыл ке тот емты, тав ам палтум манос тара Хальѣс лѣккарытн свониты. Та павылт телефон рѣпиты.

Павылт ѳлнѣ махманув тыт пусмалтаңкве ат ке вѣрмианѣв, тәнаныл Ханты-Мансийск, Нягань, Советский манос Югорск ѣсн кѣтыанѣв. Агмыл емтум хотпа

манавн ѳвлѣт Хальѣсн кѣтуңкве кос эри. Тувыл махманув тув ялуңкве шар ат кѣсащѣгыт. Тара Советский ѣсн тыламлѣгыт, ѣлалѣ Ханты-Мансийск манос Нягань ѣсн минѣгыт.

Тувле ялнѣ магсыл билет тынтѣлнувег ѳлы. Та ѣсн ке минѣгыт, ам тәнаныл лѣккарыт палт телефон хосыт хансыанум, ѳс направление-нѣпакыл мыганум, тѳнт тара тот пирмайтавет. Хотпа илторгы матаре хотум ке емты, тав вертолѣтыл санрейсыл тара Хальѣсн манос Нягань ѣсн тотаве.

**С**ав тал ювле хульшамвѳль яныг павлыг ѳлыс, совхозыт, колхозыт рѣпитаманыл порат акв сѳтыра арыгкем элумхōлас тыт ѳлсыт. Тувыл кѣсың талныл мирув мощаг емтыс, тѣи магсыл павлувт яныг пѣльница лап-пантвес. Кѣщаит мән павылквет ѳлнѣ махум пусмалтан магсыл сав олн холтуңкве ат таңхѣгыт.

Ань Нѣхщамвѳль павылт 447 элумхōлас ѳлы, тән халанылт 219 — сossa махум. Павлувт 106 нѣврамыт ѳлѣгыт, тән халанылт 66 мәнщииг ловиньтахтѣгыт. 2018 тал сыс тыт хот нѣврам самын патсыт. 2017 — талт туп хурум мань нѣврам. 2012 ѳс 2014 ѣмас тѣлыг ѳлсыг, тѳнт тал сыс 12-14 савит нѣврамыт самын патсыт.

Тѣрпи тыналан вѣрмалѣ урыл лѣккарыт нѣ лавыс, тѣрпи тыналан кол пѣльницав хосат тагыл рѣпиты. Акв порат лап-пантуңкве кусыглавес, ань ты кол ѣмашакв рѣпиты, савсыр тѣрпи тот акваг тыналаве.

**Людмила  
ТЕТКИНА**

## Сossa махумн пенсия-олн ойтнѣ урыл

**Округувт Пенсионный фондѣт кѣщаиг рѣпитан нѣ Татьяна Зайцева пенсия-олныт ойтнѣ урыл лѣххал тотнѣ хотпат ѣлы-палт потыртас.**

Кѣщай нѣ лавыс, ань кѣсың талныл мән ѳлнѣ мавт ты олн винѣ махум савнув емты. Округувт 440 сѳтыра элумхōлас пенсия-олныл ань ойттавет. Акв ѣтпос сыс тән магсыланыл пуссын аквѣт 8,5 млрд. солкѳви холтаве.

Ты ѣтпосныл ѳвыл хоталныл яныгпала хотпат олнаныл нѳхнѣтвѣсыт, тән акв сѳтыра солкѳвил савнув виңкве патсыт. Сав махум 20 сѳтыра солкѳви савит пенсияныл ѳлы. ѳлнѣныл сыс ат рѣпитам хотпат сѣккон щирыл пенсия-олныл ѳс ойттавет, тән акв ѣтпос 12 сѳтыра солкѳви савит олн выгыт.

Махум пенсиян квѣлнѣ урыл потыр ѳс ѳлыс. Ювле хульшам тал мән таквс ѣтпост Государственный Дума йильпи сѣккон пирмайтав. Россият ѳлнѣ хум хотпат 65 тѣланыл тѳвлын порат пенсиян патхатѣгыт тах, нѣт 60 тал мус рѣпитаңкве лававет.

Лѣимат ѳлнѣ мирыт, мощ сѣртыннув пенсия-олныл ойттуңкве ѳвылтавет. Хум хотпат 60 талт ѳс нѣт 55 тал тѳвлын порат рѣпитаныл пѳхын минуңкве вѣрмѣгыт. Тувыл нѣ хотпа кит нѣврам ке самын паттыс, тав аквта щирыл 50 талт пенсия-олныл ойттуңкве ѳвылтаве.

Мәнщии, ханты ѳс ѣрн махум пенсияныл урыл кѣщай нѣ лавыс. Сѣккон щирыл хѣл алышлым, сав-

лы ѣрим ѳс вѳраим рѣпитан махум сѣртын пенсиян патхатѣгыт.

Ты рѣпата вѣрнѣ хум хотпат 50 талныл олныл ойттуңкве ѳвылтавет ѳс нѣт 45 тѣланыл тѳвлын порат пенсиял мивет. Хум хотпатын 25 тал, нѣ хотпатын 20 тал сыс тот рѣпитаңкве эри, туп тѳнт пенсиян олн ойттуңкве ѳвылтавет.

Ювле хульшам талт вѳртур ѣтпост ты сѣккон пирмайтан ѣлы-палт Россия Президент Владимир Путин мирн лѣтың кѣтыс, тѳнт тав сossa мирыт урыл ѳс потыртас.

Ты лѣтың хѣлым тѳва сossa махманув сѣртын пенсиян минуңкве щѣпитахтасыт. Татьяна Зайцева лавыс, ты сѣккон туп сѣлы ѣрнѣ, хѣл алышлан ѳс вѳраян махум урыл хансым ѳлы. Мѳт мат рѣпитан сossa махум мѳт мирыт хольт 55 ѳс 60 тал тѳвлын порат пенсиян минѣгыт.

Кит ѳс тыгыл савнув нѣврам ѳщнѣ щѣмьят «Материнский капитал» лавнѣ олныл ѳс ты фондыл мивет. Татьяна Зайцева ты урыл ѳс потыртас. 2007 тал пѣсныл мән округувт 127 сѳтыра арыгкем щѣмьят сертификат-нѣпакыл майвѣсыт. Ты олныт тән кол ѣвтуңкв, нѣврам хаништаңкв манос пенсиян пинуңкве вѣрмианыл. Мән округувт сав щѣмьят кол ѣвтнѣныл порат ты олныл ойтхатѣгыт.

**Людмила  
АЛГАДЪЕВА**

## КҮЩАИТ РҮПАТАНЫЛ

# Тәрвит вәрмалын ярмын хөтпат нәтавет

**М**олты тал оигпан порат округувт мирн нәтнә нә Наталья Стребкова, няврамыт тәланыл ұргалан нә Татьяна Моховикова ос тәнки рүпатаныл вәрнә хөтпатн нәтмил вәрнә хум Николай Евлахов ляххал тотнә колн ёхталасыт.

Ты кұщайт рүпатанылт маныр тәрвитыт мұсхал щирыл щәпитяныл, тән ань ты урыл потыртасыт. Ань вәтихал акванатхатыгләгыт, тәрвит накн патум махумн нәтәгыт. Тән щәнит-әщит, няврамыт ос тәнки рүпатаныл вәрнә хөтпат ёт рүпитәгыт.

Наталья Стребкова лавыс: «Мән палтув махум савыңпалә олнә кол урыл китыглахтуңке ёхталәгыт. Төват хотталы щалтум рүтаныл коланыл тәнки халанылт уртуңке ат вәрмияныл. Тувыл субсидияолн винә магыс ос пәс колныл йильпи колн вәнтлын вәрмалы урыл китыглахтәгыт. Ты тәлатыт махумн акваг нәтмил вәрәв. Эрнә нәпаканыл акван-атуңке нәтәв ос хоталы тотуңке хұлтыяңу».

Округувт савыңпалә махум ты вәрмалит урыл нәтмил вөвәгыт. Сав хотпа пәс колныл йильпи колн вәнтлын магыс ұрхатым аква юи-пәлт ләләгыт. Тувыл махум ұрхаттәл кол винә урыл китыглахтәгыт. Төва агмың хотпат агманыл хосыт колыл молях мивет. Тыммагыс тастым программа рүпиты. Ты программа хансым агм ошнә яныг хотпат ос няврамыт тән колыл мивет. Ос ты тәлан олнә колыт ат төвылхатәгыт, сав әлумхәлас

ұрхатым аква юи-пәлт атхатәгыт.

Ты тәл төва агмыт та программа хасвәсыт, төват ос хотшуртумтавәсыт. Тыммагыс матсәвит махум пәхын паттувәсыт. Кұщай нә ты хөтпатн нәтмил вәрыс, сут тәра тәнаныл ювле очередьн хассанә. Тувыл қасың ұс, район ос павыл кұщайн пищмат кәтыс, ты хөтпат хот ул вос шуртумтавет. Кұщайт ань тәнаныл пәхын ат выганыл. Ос хотты хөтпа хот-виңке алымавес ке, тән нәтавет тах.

Агмың-мосың хөтпат ос сав вәрмалы оныңцәгыт. Тән олнә коланылныл тәнкирот кон-квалуңке вос вәрмысыт, яласан ләңхыл щәпитаңке эрәгыт. Ань ты хөтал мус округувт 5 сөтыра тамле колыт уральтавәсыт ос ләңхыл туп 3 кол щәпитавәсыт, иң сав рүпата вәруңке эри. Наталья Стребкова савсыр кұщайтн ләтың кәтыс, тән ты вәрмалы щирыл нәтмил вос вәрәгыт.

Ань пенсия олн винә махум төват тәнки машинал ұщлахтын мән ялантәгыт. Ты хөтпат пәншин магыс ювле олн ойтнә урыл китыглахтәгыт. Кұщай нә хосат ты урыл потыртас. Ань ос мир номылматсаныл, федеральный сәкконт ты



тәла щирыл нәтмил ат хансыма.

Тән лавсыт, яныгпәла хөтпат тәнки машинал миным ләңхыл сакватахтуңке вәрмәгыт. Ос товлыңхәпыл манос нәиңтуйтыл яласаңке патәгыт ке, тәнанылн нәматыр ләлә ат ёмты. Тыммагыс машинал яласанәныл порат ат ойтает. Ос ты тәла нәмхотьют ёмщакв ат ханищтастә.

Округувт Хальүс районыгт туп тәлы ләңх вәрыглаве. Тот олнә махум машинал тәлы порат ұщлахтуңке хотталы яләгыт ос олныл ат ойтает. Тамле әлумхәласн пәншин ёвтнә магыс олн ювле ойтүңке кос эри. Ты вәрмалы мұсхалыг щәпитан магыс кұщай нә Государственный Дума депутатытныл нәтмил вөвыс.

Тувыл төва мāt савалап няврамыт 18 тәланыл төвлын порат олнә колыл тәра ат мивет манос хоса ұрхатәгыт. Ты вәрмалы щирыл ос нәтмил вәрәве. Та сыс, Россия

янытыл шар мақ ёмщакв тыт тамле рүпата вәрәве. Кұщайт ты тәла акваг уральтым оныңцияныл.

Татьяна Моховикова няврамытн нәтым рүпиты. Тав ос ты урыл потыртас. Агмыңмосың хотпат кол үрнә очереди хот ул вос вуйвәсыт, тыммагыс налыман арыгтем сәвит щәс сутытахтын вәрмалы вәрыглавес. Ты агит ос пыгыт ань йильпи олнә колыл майвәсыт. Ос ханищтап, пусмалтан ос мот тәлат щирыл иң тәрвитыт оләгыт. Савалап няврамыт вәрмалыныл мұсхалыг щәпитан магыс сав рүпата вәрәве.

Николай Евлахов, мәнәщи хум, тав ос тәнки рүпата вәрнә хөтпатн нәтмил вәри. Махум рүпата олнаныл тәра вос ойтвәсыт. Вөраян, хұл алыщлан, пил вәтнә, ләхс атнә обшчинатн ос мот сыресыр предпринимателитн нәтәгыт. Сәкконыт ләләсаң вәнә хотпат хұлтыглыяныл, воритотнә порат ос сутыт тәнаныл вуянтыяныл.

**Николай МЕРОВ**



## Мāньщи колтāгыл

Ты хурит Оксана Михайловна Гоголева (такви опарищ наме Яптина) Михаил Константинович āтятэ ёт пōслым олэг. Оксана Михайловна ань мāнь няврамың садик-колт рупиты. Ты элы-палт тав Сукырья павыл школат лов тал няврамыт ханищтасанэ. Ойкатэ ос мāньщи хум, Евгений Викторович Гоголев. Тав Кимкьясуй павылныл олы. Тэн тит няврам оныщег, агитэн яныг классыт ханищтахты, Коля пыген иң мāнь, титыт классыт ханищтахты.

Āтятэ Михаил Константинович Яптин Хорыңпавлыт 1954 талт самын патыс. Михаил āще Константин Михайлович Хозумов наме олыс, омагэ Пелагея Илларионовна Яптина — Сукырья павыл нэ. Михаил Константинович экватэ Римма Ясунт павыл нэ, ты тал мāньполь этпост тав 64 талэ тах товлы.

Ты колтāглын мāн сав емас латың лавев — сав тал пус кат, пус лāгыл олэн. Най-Отыранын вос ўргалавэн.

## Ясунт павылт яныгмам ойка

**П**ес порат Ясунтыт сав мāхум олыс. Павылт сэмыл охсарыт янмалтан перма рупитас, тот руцит, хатанит, ёрныт, мāньщит пуссын рупитасыт. Тувыл та мāхум лāкква та мингаласыт.

Та тэлы порат Саранпавылт сāлың мāхум қаснэ порат акв ёрн хум ёт потыртасум. Овлэт лāвыс, тав Ясунтныл олы, тувыл ущ наме лāвыстэ — Иван Григорьевич Хатанзеев. Хум такви олупсатэ урыл тох потыртас:

— Ам 2019 талт сатлов талум товлы. Сортыңья павылт 1949 талт самын патсум. Āтям Григорий Ванюта олыс. Ос ам омам опарищ намэтыл хансым олсум, тох та яныгмасум.

Мāн колтāглув яныг олыс, сав няврамың.

Ам шар яныг олсум, ам ёлы-палумт самын патсыт — Дарья (тав ань Сюркалова), Валентина (тав Панфилова), Григорий, Слава, Фаина, Елена (тав ань Бондарева), ос Василий. Ясунтын мāн 1954 талт āтявн тотвесу́в, тавтонтсāлың колт рупитас.

Та павылт я вата ляпатмāньщи экваг-ойкаг олсыг — хум наме Иосиф олыс, нэтэ Пелагея. Тэн мā-колт олсыг. Āтявнтэн лāвсыг, щемьятэ мāгыс тэн мā-колэн ляпат олнэ кол вос ўнтты. Мāн тот ты олсу́в, тот яныгмасу́в.

Школан Ясунтыт минасум. Тонт пес школа перма ляпат олыс. Ётыл йильпи школа ўнттувес. Ам номилум, мāн хурум классыт акв колнакт ўнлысу́в. Савсыр няврамыт — ёрныт, мāньщит, мот мир няврамыт, хотмус тот та ханищтавесу́в.

Та пора номылматāлылум, сака пумыщ олыс. Мāн тасавит няврам, акван-атхатэв, та

хāйтыгтэв, та ёнгасэв. Тит нэг мāнав уральтасанэн — ты Галина Немдазина ос Маруся Калягина.

Тувыл сэмыл охсарыт янмалтан перма Саранпавылн тотвес. Школа тāралап-пантвес ос тот рупитан мāхум пуссын Саранпавылн та вантлысыт. Ётыл мāн Ясунтныл моц алгалнув вōркол ўнттыгласу́в, тув акваг ялантасу́в, тот олсу́в. Тот олмув сыс хул пувсу́в, вōраясу́в.

Щемьятэ урыл хум тох лāвыс — экватэ руц эква, наме Мария Федоровна. Тэн хот няврам янмалтасыг, пуссын тāнти колтāглыңыг ёмтсыт, янас олэгыт. Экваг-ойкаг лов апыгрищ оныщег. Иван Григорьевич элал тох потыртас: «Ам хунь титыглавем, хотыл олэгум — ювле тох лāвэгум, ам Ясунтныл олэгум, тот яныгмасум, мāk павлум ты». Тамле ты хотпа ёт потрамасум.

**Валентина ХОЗУМОВА**



## ПАВЛЫҢ МИР ӨЛУПСА

## Сұқыръя павыл яныгхотпа



**Т**ы хурит Хальүс район Сұқыръя павылт өлнэ яныгхотпа Василий Васильевич Канев пöслым öлы. Ойка тал котиль этпос 10 хоталэт 1932 талт саран колтагылт самын патыс. Ам тав ётэ хонтхатыгласум, потрамасум, öлупсатэ öвылтыт китыгласум. Василий Васильевич тох ты лавыс:

— Ам тыт Сұқыръя павылт самын патсум, яныгмасум. Омагум-атягум öс акваг тыт öлсыг, тыт ёл-щёпитавесыг. Акв каңк ос хұрум увщи öщсум.

Эквам Агафья Сергеевна ёрн нэ öлыс, тав öс тыт яныгмас. Мён хот няврам янмалтасмён. Алексей пыгмён, Клава, Лена ос Марина агиянмён Саранпавылт

öлэгыт. Мань пыгумён Федя Афганистаныт армият лусытас. Тот сакваталвес, юв ёхталас, совхозт ұйхул пусмалтым сав тал рупитас.

Совхозт ам 37 тал рупитасум, сáлы ұрим яласасум. Тув палыт сáлыянув нёрыт ұриянув, тэлы ос вор ман пöсыянув, Кульпас сыспáлт öныщиянув. Амти сáлыт öс öщсум. Пенсиян хосат минасум. Туи пум вáрегум, ворн ялантэгум, пил вáтэгум. Эквам хосат атимыг емтыс, амттем öлэгум. Нявраманум, апыгрищанум ёхталэгыт, уральталавем.

— Василий Васильевич, наң маньщи мир халт яныгмасын, öлэгын, латңув улпыл ваглын?!

— Ам маньщи латңыл потыртаңкве хасэгум. Тыт сосса махум саран латңыл ос потыртэгыт, Василий Вьюткин ёмашакв хасы

потыртаңкве. Саранунов ос маньщи латың торгамтэгыт. Элнаң павлуvt Ёй йиквнэ вáрмаль вáтихал вáрылавес. Ты пора тай ёмашакв номилум. Хотты хотпа пупáщи-кве кáтын-патты, тав колэт Ёй йиквёгыт — тұлыглахтэгыт, эргёгыт, оцхультэгыт. Ам маньлат порат кит тал вóраясум, тóнт ман вóраян махум ёт кит пупáщи кáтын-патталасуv, 1948 тал порат.

Василий Васильевич сымың хотпа, нявраманён-апыгрищанён эруптаве, павыл махманён янытлаве. Ань ты этпост ты яныгхотпа намхоталэ öлыс, 87 талэ товлыс. Ман, газета вáрнэ махум, таве öс янытлылуv! Сав тал пустагыл вос öлы, Тóрум ёт, Отыр ёт вос öлы!

**Светлана  
МАТВЕЕВА**

## Махум я ұлтта унсуптан хум

Маньщи пыг Владимир Аркадьевич Сайнахов Саранпавылт öлы. Тав сака эрнэ рупата вáри — тув палыт Сұқыръя ос Саранпавыл махум ййв хáпыл ос моторхáпыл я ұлтта унсуптыянэ. Туи Сұқыръя павылы ялмум порат, ты маньлат хум ёт потрамасум, манав тав Щёртың я ұлтта унсуптастэ.

Владимир лұпта этпос 11 хоталэт 1991 талт яныг колтагылт самын патыс. Омагэ Елена Каллистратовна, атятэ Аркадий Владимирович. Кит увщи ос каңк öныщи. Школа áстламе юи-пáлт Владимир Тюмень ұст тэнут пáйтнэ хотпаг ханищтахтас.

Рупататэ урыл тав тох лавыс: «Ты тал ам яңк нáтнэ этпос 18 хоталёныл рупитаңкве öвылтахтасум. Мён кит хотпа



яласымён, халумёнт пентхатымён, аква хотал ам яласэгум, мот хотал тав. Тув палыт рупитаңкве патымён. Яныг таквс этпост я пöляве, яласаңкве та пойтэв. Я витэ мань порат тұпыл товимён, осхунь öнты, махум моторхáпыл тыгле-тувле тотыглыянмён. Рупата олныл ойтавемён. Ййв хáпыл яласаңкве ануи мұсты».

Володя рупататэ ул кос тарвтың, ос воссыг хоталь вáрхаты, махум тыгле-тувле унсуптаңкве эри. Руц эргыт лавнэ хольт, тав павыл махманён сав ёмас номт тоты, эруптахтын нёт ос хум хотпат аква-хонтхатаңкве нётыянэ. Ты ятил маньщи хум пус қат, пус лагыл вос яласы, Най-Отыранён вос ұргалаве!

**Светлана РОМБАНДЕЕВА**



СОССА МИР ӨЛҮПСА

# Ёрнкол тивырт өщнэ пормасыт



И. М. Покачева



А. Н. Кантеров



С. В. Кечимов

**В**өрт өлнэ ханты махум тал оиг-пан элы-палт Ханты-Мансийск үсн вовыглавэсыт. Тән Белоярский ос Сургутский районныл ёхталасыт, пуссын салың махум, салыяныл үрим вөрт өлэгыт.

Мән округувт «Союз мастеров» нампа организация олы. Тән ань округ янытыл мащтырлан махум тинсыяныл, тананыл акв хотты яныг үст акван-атыгыяныл. Та махум мот мирн вос суссылтэгыт, хумус тән пёс пормасыт вәрэгыт, нэкет хумус юнхатэгыт.

Ань ты махум халт нэг-хумыг өлсыг. Хум наме Александр Нико-

лаевич Кантеров, экватэ наме — Ирина Максимовна Покачева. Хумань йивныл хоса аны ёргыс, нэтэ хасапюнтыс. Экватэ такви уретыл мощ потыртас:

— Ам атям ханты хум олыс, омам ёрн нэ, амти опарищ намум Покачева олыс. Мән вөрт өлсүв. Ам хум вәрсум, ойкаментыл нила няврам өщсумён. Тувыл тав атимыг ёмтыс, ам амттем нявраманум

янмалтасанум. Пыгагум ос агиягум янас өлуңкв патсыт, ам ос амттем салыяанум ёт вөрт та хультсум. Амти «Буранылы» яласасум.

Аквмат порат ам палтум ты юртум ты ёхтыс. Тав ос сав тал нэ тал олыс, экватэ хотталы шалтыс. Хөт хулме, ам амттем өлэгум. Та ёхтыс. Лави: «Ам амттем олым вагтал патсум». Тувыл ам палтум та вантлыс. Ань ловмантем тал аквьёт ты олымён. Тав такви салыянэ ам өлнэ мамн нявлысанэ. Төва порат тав олум матэн ялымён, уральтылмён.

Ирина Максимовна сака нёмса нэ, тав руц латныл мощ люльсаңнув потырты, потыртаңкв сака эссамтас. Лави, нэмхуньт яныг үсн ат ялыс, ань овыл шёс Ханты-Мансийск үсн ёхтыс. Такви юнтум сахитэ суссылтастэ, сака мащтырыг юнтме.

Ты нэг-хумыг ёт Сергей Васильевич Кечимов ёхталас, тав ос та ёрт өлнэ ханты хум. Нйтыг

ләваве. Ань үсувт тав апа тагатан ванкрип хальйивныл ёргыс. Акв хотал ёргащлахтас, йиве та астыс. Татем вөвтаг ёргыстэ, махум маттем та пумщалахтасыт.

Нэкет халт Мария Григорьевна Эккерт олыс, тав ос Ас нэ. Тән пуссын аквьёт хасап юнтыс. Нэкет тох лавыс, Ас махманыл савсыр матт өлэгыт, төват Ас я ватат, төват ос хотал нэглин ёр нупыл. Тән танти щырыл хасап йинэгыт. Титыг хоталт юнтуңкв та астысыт, хасапаныл мирн та суссылтасаныл.

Ты семинарт махум хурум хотал рупитасыт. Юи-өвыл хотал кон яныг ёрнкол түщтувес, ань мащтырлам пормасаныл тот суссылтавэсыт. Ты ёхталам мащтыр хөтпат янытлыманыл порат лаввэсыт, савнув вос мащтырлэгыт, щаквщэгыт. Тонт яныг намыл мивет ос пенсия-олнаныл тах мощ нөхнөтавет.

**Валентина ВАСИЛЬЕВА**



Мащтырлам хөтпат

## НЯВРАМЫТ МАҒЫС

## Няврамыт палт Ащирма ойкат ёхталасыт



**Ханты-Мансийск үст өлнэ «Лылын Хсөюм» хаништахтын колн хурум Ащирма ойкат (рущ щирыл Дед Морозыт) Түйт агияныл (Снегурочканыл) ёт ёхталасыт.**

Акв Ащирма ойка Китай маныл олыс. Акваныл ос сака пәхвың, карс ойка-капай, тав на сати Великий Устюг үст олы — Россия янытыл шар мак Ащирма ойкаг лававе. Мән мәнвн хот-мус ёхтахтам, няврамыт ёт тыт ты поргащлы, ййквашлы.

Ты колт рүпитан махум ос няврамыт тән магсыланыл уча концерт щёпитәлсыт, мәнщи ос ханты эргыт эргысыт, ййквсыт. Пуссын мәнщи супыл масхатым олсыт. Ащирма ойкат ос Түйт ағит сосса няврамаквет нупыл щәгтым суссыт, кәтпатта рәтсыт. Ты мүй хотпат хургың тагыл, мүйлупсаң тагыл ёхталасыт, кәсың няврам мүйлупсал мисаныл.

Тувыл ос Ащирма ойкат ййквүңкве тұлхатасыт. Китайныл ёхталам хум рущ ләтңыл «Калинка» эрыг эргыс. Турсуе татем суиң олыс, хоса тәпыл эргыс, няврамыт сүйтәл үнлахолсыт, пүмщалахтым хунтлысыт. Ты юи-пәлт шар мак Ащирма ойка ағиришит-пыгришит ёнгалтасанә — касылыт ос сыре-сыр ёнгилыт вәрыглас. Няврамыт маттем та мовиньтасыт, ёнгасасыт, щәгтым хайтыгасыт.

Ащирма ойкат хаништан хөтпатын ос няврамытын ййльпи тәл кастыл сәв ёмас, сымың ләтың ләвсыт, ос ёмас улум вәрсыт, элаль мот няврамыт палт та нёвумтасыт.

**Светлана МАТВЕЕВА**

## Түйтныл вәрим хурит

Тәл оигпам порат Ханты-Мансийск үст өлнә махум түйт хурит вәрсыт. Ты касыл 2014 тәлныл щёпитәлаве. Хотьют шар нётнә хури вәри, тав нөх-паты ос мүйлупсал миве.

Ань ты порат сәв хөтпа түйтныл хурит пөщгүңкве кәсәщасыт. Ёс котылыт «Борис Лосев» нампә үщлахтым мәт сәв нётнә түйт утыт түщтувёсыт.

Ты хурит вәрнә магыс коммунальный службат рүпитан хөтпат тән түйт акван-атсыт. Мәлтып порат ағум түйт тотапыт кивыри пәхвтысаныл.



Түйт тот сурмыг ёмтыс. Ань ты түйт щупатыл сәвсыр нётнә хурит махум ты вәрсыт. Хотьют мән мәнтыл, хотьют сәграпсупыл түйт хотсәщлас. Пуссын аквә-



ёт налыман нупыл ат хури вәрвес.

Түйт хурит нила каснә щирыл вәрвёсыт. Ты ёмнә ос хайтнә хурит, мөйт ос кина матыр хурит ос түйтыл вәрим



няврамың щёмьят. Ты түйт хурит жюри-хөтпатн сусвёсыт ос нөхпатум махум мүйлупсал майвёсыт.

**Николай МЕРОВ**

# Сәсныл вәрим пәс пормасыт

**Пәс порат**  
**Мәхманув**  
 ләпканыл ёвтнә  
 пормасыл хунь олсыт,  
 тәнти хумус хәссыт,  
 таи вәрсыт. Мән  
 нъярам хуюптан  
 апат, сәныт, сөвтыт,  
 пайпыт, сәс тотапыт  
 ос мот эрнут тәнти  
 юнтсыт, тувыл ос  
 кәсың пормас хансал  
 щуртсаныл.



Н. Н. Загайнова



Ань тамле пормасыт сунсуңкве ам «Галерея-мастерская Г.С. Райшева» колн ялсум. Тот «Орнаментированная береста обских угров» суссылтап ос ханищтап вәрыглавес. Нәквет сәв пәлыл яныг үсн вөвиньтәлвәсыт. Ханты нә сәв олыс ос мәнщитныл Нина Николаевна Загайнова (Вьюткина) ёхталас.

Выставкат ам омам Аксиныя Степановна Мерова юнтум апатэ, сөвтанэ, пайпе, сәс аканянэ, сәнэ, шумпыл суссылтавәсыт. Наталья Николаевна Фёдорова, искусствоведыг рупитан нә, ләвыс: «Мән ань мәнщит халт сәс пормасыт хансал мәщтырыг щуртнә хөтпа аты хөнтсүв. Аксиныя Степановна Мерова тав юи-өвыл мәщтыр хөтпа олыс, тав юи-пәлэт ань нәмхотыют атим, ты

сака сәль. Мән ань туп тав вәрум пормасанэ сунсыгләв, тув сунсым ханищтахтәв. Тахолът ты пормасыт мән агитән үргалым оныщавет ос мән тәнаныл сунсыглаңкве висанүв. Пәс мәхум ёмщакв вәсаныл, хоты ханса хоталь щуртуңкве рөви ос хоты ханса нас пормасн вәруңкве ат рөви.

Совныл манос нуйныл ханса вәрнә порат, тав өвлэт пөславе, тувыл ущ яктаве. Тыт сәс тармыл тох нәмхотмус ат вәруңкве, мәщтыр нәквет тәра щуртыяныл».

Искусствовед-нә потыртаме порат яныг хурит суссылтас. Төнт лавыс: «Хальүс районт Ясунт пәвылт хосатнув хотты пәс сүмьях ёлыпәлт сәс тотап хөнтсум. Тав щар пәсыг ёмтум, хот-лоньхатам ос хансанэ иң сака ёмщакв

нәңксыт. Ам таве вислум ос Тюмень үс музейн тотыслум. Хансат тот сака мәщтырыг вәрим өлэгыт, нәматыр арыг атим».

Ты хусапсовыт халт аква ләви ос Хөрыңпәвылт хотыютныл вис. Хотыютын вәрвес ос ат вәгтә. Ам тавән хұлтыслум, ләвсум, омам өлмәт потыртәлыс, тав әкве Дарья Викторовна Анямова сәсныл матыр-әти сака юнтыс. Юнтум утанэ аквты щәс хансал щуртыгыянэ, тамле сәс тотапыт молях вәруңкве хәсыс. Ам таимәгыс сәс тотапе ханьщислум, омам увщитә (ам әквум) Дарья Степановна Анямова мәщтыр рүт нәв юнтум сәс тотап оныщас, амти самыл вәслум, мән порат акваг сунсыгласлум. Әквум тот юнсахтнә төрлөмтанэ, сәтапанэ оныщас. Ос акв тамле сәс тотап Саранпәвыл музейт оныщаве.

Ань Ханты-Мансийск үсн сәв ханты мәнлат нәт ос яныгпәла экват ёхталасыт. Ты элыпәлт таквсы порат Белоярский районт Касум пәвылт нәквет акван-атхатыгласыт, сәсныл сәс тотапыт, хусапыт юнтсыт. Ань ос яныг үсн вөвыгла-

вәсыт, учёный мәхум тәнанылн хансат урыл потыртасыт.

Наталья Фёдорова сәс пормасыт пөслым хурит суссылтамәт ләвыс: «Төва пормасыт сака пәсыт ос тән мән мәгсылув яныг тын оныщәгыт. Буклет-нәпак вәрнәв порат тәнаныл пуссын тув пөслыянүв».

Выставкан атах-хөтах апа тотыма. Тән пуссын тәнти щирыл юнтым өлэгыт. Хансал ос кәсың нә такви щирыл щуртытә. Ос үлум үй пуссын апа сыст нумын пөслыяныл. Омам юнтум апа сыст үлум үй пөхат ингыт щуртым өлэгыт. Ос Наталья Фёдорова ләвыс, ты төва апараты үлум үй ләгланыл хүрум консыл пөславет, ты таимәгыс үй пөхыт тамле хансат ос вәравет. Ам ётум тав ат кәсащас, таимәгыс ам мәнщи мәхманум титыглаңкве таңхөгум, нән эрың яныг мәхманныл ты урыл хұлыгласын. Улум үй пөхыт маныр пөславе ос хумус ләваве. Атиңк ванэ хөтпа сака мощща хультыс, вәнэ элум-хөлас те хөнтәв, сака ёмас өлнув.



Юнсахтүңкве ёхталам Әс нәт

# Маҳум рўпитаңкве тыг ёхталэгыт

**Ю**вле хульгум талт округ Общественный палатат рўпитан хөтпат акван-атхатыгласыт. Тув полиция ос мөт мāt рўпитан хөтпат вөвиньгальвёсыт. Ань мән округувн мөт хөн мәныл савсыр маҳум рўпитаңкве ёхталэгыт. Хумус тән тыт өлэгыт, маныр тәрвит вәрмалит оныңгегыт, ты урыл потыртасыт.



Антон Шумков ты урыл потыртас. Тав лавыс:

«Ман округувн маҳум савыңпалэ Таджикистан, Узбекистан, Украина, Киргизия ос Азербайджан мәныл ювыт. Тыт сав тамле хөтпа рўпиты. Тән таланыл округувт тәрвитың паты, рўпитан хөтпа ат төвылхатуңкве паты. Тувыл виза-нэпак щирыл Китай, Германия, Турция ос Канада мәныл төват рўпитаңкве тыг ёхталэгыт. 2018 талт китсат арыгтем тамле хөтпа рўпата нэпакыт вәрсыт. Тән аквьёт округ бюджетын акв млн. савиткем солкөви нәлок-олн ойтсыт».

Ос тамле вәрмалы олыгылы, элыл тыг ёхтын маҳум, төват эрнэ нэпаканыл мўсхалыг ат щёпитыяныл, сытамыг рўпитэгыт. Миграционный полицият лусытан хөтпат тананыл пувияныл ке, ты оцмараныл магыс өлнэ мәнанылн ювле кетавет. Миннэ лёңханыл ойтнэ магыс олн ат ке оныңгегыт, тән өвлэт каснаколн мощчан ұнталавет.



Тот ты хөтпат миннэ лёңханыл магыс олн сэлэгыт, тувыл уц юв кетавет. Мөлтү тал оигпан мус тот яныгсат хўрумхуй-плов элумхөлас оцвёсыт.

Полиция кўщай пхум лавыс, ты тал сыс округувт ват нупыл хўрум сөтыра элумхөлас пуввёсыт, тән эрнэ нэпакыт тал рўпитасыт. Ты маҳумныл сут тара тәнки мәнанылн хўрум сөтыра савиткем элумхөлас кетвес, мөтаныт тәнки нэпаканыл ёмщакв щёпитаңкве лаввёсыт. Ты хөтпат рўпитан мәныл акваг уральтавет. Хотьют пуваве ке, тара юв кетаве, рўпата кўщайт ты оцмараныл магыс ос яныг штрафыл хансавет. Та сыс, элыл ёхтум маҳум халт ань округувт люль нак вәрнэ хөтпа мощчагнув ёмтыс.

Ты сапрәнин таджик маҳум халт кўщай хум ёхталас. Такви маҳманэ ярмын тэлат урыл потыртас. Хум лавме щирыл, төванакт тыг ёхтум хөтпат ләпалалавет. Рўпата патхатнэ магыс элумхөласн

өвлэт пўльницат уральтахтуңкве эри. Тот тән лёккарытн хасхатан нэпакыл мивет. Ос ты маҳум пўльницат ат уральтахтэгыт, ты нэпак пөх хөтпатныл ёвтэгыт. Тувыл ты оцмараныл магыс тән пувавет ке, юв кетавет манос штраф-олн ойтэгыт. Ос хотьют ты нэпакыт тыналан хөтпат ат новавет, тох та элалы рўпитэгыт.

Общественный палата кўщай нэ Ирина Максимова ты вәрмалы ёмщакв уральтахкве полиция хөтпат вөвсанэ. Ты сапрәнит кўщайт маныр урыл потыртасыт, та тәланыл пуссын нэпакн хассаныл. Ты рўпата таимәгыс вара-ве, савсыр мәныл ёхта-лан мир тыт нәлок-олн вос ойтэгыт, журтыңыщ вос өлэгыт ос халанылт вори ул вос тотэгыт.

Өвыл хурит таджик маҳум кўщай пөслым олы. Китыт хурит ос Общественной палатат рўпитан хөтпат ұн-лэгыт.

Николай  
МЕРОВ

# Ятил мātэ янытластэ

**Ханты лātңыл ос Хруц лātңыл стигхт хансум хум Владимир Семёнович Волдин кāстыглан мāгыс мāхум «Торум Маа» музейт атхатыгласыт. Ты накт Литературная гостиная тох намайлвес: «О людях, о судьбах я думаю часто...», ханты мир поэт Владимир Волдин стиханэ ловиньтавёсыт, тав овылтытэ потыр хўнтлысўв.**

**Технологоло-педагогический колледжит рўпитан мāньщи нэ Альбина Станиславец тох лāвыс: «Ханты поэт хосат āтимыг ёмтыс, мōлты тав 80 тālэ тōвлынув. Хум олыс те, сāv ёмас стихыт, сāv потрыт хаснув. Овылтам тэланэ вāруңкве ат та āлымас. Тыхōтал музейн мāн студентыт ёт ёхтысўв, тāн ты мўтраң хум стиханэ ханищтасаныл ос ань ловиньтасаныл. Тамле Литературная гостиная Юван Николаевич Шесталов колнакёт касың этпос вāрыглаве, мāньлат āгит тыг ёмас номтыл ёхталэгыт, намың-суиң сossa хōтпанув стиханыл ловиньтэгыт».**

**Владимир Семёнович педучилище āстламе юи-пāлт Ханты-Мансийск ўст радио колт рўпитас, ханты лātңыл передачат вāрыс. Округ янытыл яласас, ханты мāхум ёт хōнтхатыглас, сāv мōйт, эрыг, пёс йис потыр магнитофоннын хансыглас. Ёл-хансыглам потранэ радио колт пуссын акван-атым олэгыт, ўргалым оныщавет. Венгриянын ёхталам учёный нэ Ева Шмидт ты ханты хум акван-атыг-**



Т. В. Волдина

лам эрганэ, пёс потранэ такви палтэ магнитофоннын хассанэ, Венгрият ос Эстоният олнэ архив колн тотсанэ.

Радио колт рўпитама порат экватэ Мария Кузьминична Волдина ёт акван-минасыг, Тāня āгитэн самын патыс. Ты мўтраң поэт касың стихёт олнэ мātэ ос щāнь лātңе урыл хансыс. Тав хансыглам стиханэ, потранэ шкولات ханищтахтын нэпакытын хасвёсыт, ань нйврамытн ловиньтавет.

**Поэт āгитэ Татьяна Волдина тох**

лāвыс: «Ам тāлум туп тōвлыс, хунь āтям āтимыг ёмтыс. Рўтанэ ос пāвыл мāхманэ тав урёт потыртālэгыт, хуриянэ олэгыт, сунсыгыланум, хансум нэпаканэ ловиньтыянув. Тав тālэ яныгмасум, ос сома акваг ам ляпамт олыс.

Мāнь тāгыл тав яныгмам мātэн ялантасум, Кышик пāвылн. Пāвыл мāхманэ таве номияныл, сымың лātңыл кāстыяныл. Омам рўтанэ Касум пāвылт олэгыт, таве ос сака эруптыяныл. Атям хосат āтим, ос хунь турсуе радио хосыт сумыллы,

тāн лўньщин ёхтавет, самвитаныл нэглэгыт».

**Мāньщи поэтыв Юван Шесталов, ёрн поэт Леонид Лапцуй ос мōт нэпак хаснэ хōтпат стиханыл тав ханты лātңыл толмашлālсанэ. Юван Николаевич эще Альбина Мехнина тох потыртас: «Юван каңкум Владимир Волдин ос Миккуль Шульгин урыл акваг лāвсас: «Ты ам āпшиягум». Улпыл таимāгыс тэн нуплэн тох лйгалāлыс, тав ань 50-й тāлыт порат хансуңкве овылтахтас, ос ты āпшияге мощ ётылнуве, 60-й тāлыт порат, овыл стиханэн ловиньтасанэн. Ты хўрум поэт акваёт ам сāv щёс вāшинтālсанум, ань хольт номилум, ўнлэгыт, потрамэгыт, стигхт хансэгыт. Сossa мيرانыл, щāнь лātңаныл овылтыт потыртасыт, яныгмам мāнаныл ўлыласаныл».**

**Владимир Семёнович тōва потранэ, стиханэ хомле хаснэйивыл хассанэ, тох и оныщавет. Татьяна Владимировна лāвыс, тав ань āтятэ хўлюм потрыт ос стигхт нэпакыг вāрнэ мāгыс акван-атыянэ, эрнэ щирыл щёпитыянэ.**

**Светлана РОМБАНДЕЕВА**



Светлана Менделева потырты

НЯВРАМЫТ МАҒЫС

# Элаль өлнэ ёмас номт вос ощсыт



Сергей Заикин



Руслан Вьюткин

С. Ремизов-вӑрум хуриянэ

**Ханты-Мансийск ўст нӑпак ловиньтан колт рупитан хӑтпат «Мой род, моя семья» касыл щӑпитӑлсыт. Касыл 12-17 тӑл яныт ӑгирищит-пыгрищит маґыс ӧлыс. Тӑнаньлн тӑнки рутаныл ӧвылтыт матыр тӑра-паттуґкве ос потыр хансуґкве ӧрыс. Ань 23 нӑврам потрыт кӑтсыт ос тыгыл 15 ӑгит ос пыгыт нӑпак ловиньтан колн щӑнянъл-ӑщаныл ӧт потрыт ловиньтаґкве ӧхталасыт.**

Тамле касыл тот рупитан нӧ, Алла Иштимирова-Посохова щӑпитӑлыс ос тавӧн Сергей Ремизов, Надежда Постика нӧтсыґ. Овыл потыр «Мои предки — Сатыгинские князья» Злата Фомина ловиньтас, тав оматӑ рутанӑ щирьл мӑньщи кӑнащ рутнъл ӧлнӧтӑ. Ты тӑлат тӑра-паттуґкве анӧкватӧн нӧтвес, тав пӧс нӧпакыт пуссын акван-атсанӧ.

Нӧлолов тӑл яныт пыгрищ Александр Токарев Анатолий Иванович Глухих яныґ ӧпатӑ, урыл «История ордена Красной звезды» потыр щӑпитас. Тав ӧтӑтӧн архив колн тотыглавес, тӧн тот пӧс нӧпакыт китыґласыґ. Тӧва хӧнтлам вӑрмалит хултыґлаґкве ат тӑртавет, тӧн тӧнки рутнъл матыр-ӧти тӑра-паттысыґ ос хурит суссылта-сыґ.

Екатерина ос Николай Панченко Николай Иванович Хозумов, ащӧйкатӧн, урыл яныґ потыр хасмыґ. Кит яґпыгыґ Владимир ос Михаил Хромовыґ ос тот ӧлсыґ, акватӑ ханты ащӧйкатӑ урыл, мӧтанӧ эвенк ӧпатӑ урыл потыртасыґ. Тувыл ащӧйкатӧн ос ӧпатӧн мӑньлат пора хуриянӧн суссылтанӧтӧн порат муй мӑхум лӧвсыт, пыгыґ такем тӧн нупылӧн хартавӧг. Елизавета Посохова ос Вероника Обада Ялпус пӧвылт ӧлум рутанӧн ӧвылтыт потыртасыґ.

Тӑнки анӧкваньл, щӑщӧкваньл, ащӧйканыл ман ӧпаньл урыл Жасмин Мерова,

Мария Фоминых, Руслан Вьюткин, Мария Юмашева, Мария Головина, Роман Ведров, Сергей Заикин потрыт ловиньтасыт. Нӑврамыт пуссын сертификат-нӧпакыл муйлуптавӧсыт. Ты ӧлы-пӧлт нӑврамыт китыглавӧсыт, тӧн тӑнки рутаныл ӧвылтыт нӑврамытын манрыґ вӑґкве ӧри? Тӧн лӧвсыт: «Мӧн тӧн ӧвылтыт вӧнӧв маґыс моц тӑксарыґ ӧлаль ӧлуґкве патӧв, тӧнаньл янытлаґкве ос номуґкве ӧри».

Тувыл Алла Иштимирова-Посохова тӧн маґсыланыл «Маленький таӧжник» нампа хурит суссылтан тӧла урыл потыртас. Тот ханты, мӧньщи ос ӧрн нӑврамаквет мӧнь порат пӧслым ӧлӧгыт. Акв тамле суссылтан тӧн Ханты-Мансийск ўс мирколт вӑрыґла-сыт. Тав «Миг и Вечность» намтым ӧлы. Тот сossa мирыт хумус пӧс порат ӧлсыт, мӧнь вӑрсыт, та ӧлупсав хурит щирьл суссылтаве. Пӧс хурин пӧслым мӑхмыт хоты пӧвылт, хоты щӧмьят ӧлсыт, Аллан пуссын ӧлаль ханищтавет. Ос мӧн мӧт порат тах ты урыл нӧнан хансӧв.

**Тамара МЕРОВА**



## НҮВРАМЫТ МАҒЫС

## Назым я ватат олум хум



**А**м яныг ащойкам - Молданов Михаил Ефимович 1916 талт яңк нәтнә этпос атыт хоталәт Тобольский губерният Большой Вар павылт самын патыс. Та павылт тав щемьян тагыл 1957 тал мус олыс, тувыл Ханты-Мансийский район Кышик павылн олункве вантлас.

1942 талт яныг ащойкам повестка-нэпакыл Омск үсныл кетвес ос хонтлаңкве вуйвес. Тонт Михаил Ефимович ос экватэ Наталья Ефимовна хурум ныврам ошсыг: Маша, ам анэквам Лена ос Кирилл.

Овләт тав мот хумыт эт Омск үсн тотвес, тот писалил патлуптаңкве хаништавес. Ос аквата талт ват саграпнал этпост хонтлаңкве минас. Яныг ащойкам Ле-

нинград үс вуйантым хонтлас. Тонт Ленинград үст олум махум марылтым ошвёсыт.

Тэлы порат Ладожский гур хосыт машинал яласан ләңх вәрвес. Ты ләңх хосыт тәнүт ос мот эрнә пормасыт Ленинград үсн тотвёсыт. Яныг ащойкам ты ләңх вуйантым сав этпос хонтлас. Тонт сака тәрвитың олыс, сав мир тот порсысыт.

1944 талт тал котиль этпос 27 хоталәт Ленинград үс блокадатэ хот-вуйвес. Ты юи-палт ащойкам Эстония ма вуйантым хонтлас. Та порат тав сапёрыг хаништавес ос та мат минат кинсыс. Пилтал хонтламе магсыл маглын тагатаң пөсыл майвес. Китыныг сакватавес ос пүльницат пусмалтавес.

Михаил Ефимович Берлин үс мус ёхтыс. Та үс магсыл хонтлым ос сав махум порславес, ам ащойкам лылыңыг хультыс. Тав хонтлым сака вагтал патыс, аквматэртын ёл-оилматвес.

Тувыл нөх-сайкалас, тав пөхөт махум щәгтым рөхсыт: «Победа!», «Победа!» Ты юи-палт ащойкам иң акв тал армият тотыглавес, ювле туп 1946 талт лүпта этпост ёхтыс. Тав ётэ хонтлаңкве минам хум хөтпат пуссын порславёсыт, павылн тав таккөт туп ёхтыс. Яныг ащойкам «За отвагу», «За оборону Ленинграда», «За Победу над Германией» маглын тага-

тан пөсытыл майлувес. Ты копыпал тав «Орден Отечественной войны I степени» онышас.

1957 талт тав щемьян тагыл Кышик павылн олункве вантлас. Сав тал тав колхоз кұщаиг рүпитас. Павлың мир Михаил Ефимович сака янытласаныл ос эруптасаныл. Колхозыт акван-тулым юи-палт тав хул алышлан ос вөраян хумыг рүпитас, тувыл пенсиян патхатас.

1970 талт тав «За доблестный труд в ознаменование 100-летия со дня рождения В.И. Ленина» намба маглын тагатаң пөсыл майвес. Яныг ащойкам 1986 талт сүкыр этпос 13 хоталәт атимыг ёмтыс. Тав Кышик павылт ёл-щөпитавес. Ам таве нәмхуньт ат вәщиньтаслум ос тав урөтыл сав потыр хулыгласум. Амки яныг ащойкамтыл сака янытлахтәгум.

**Аня Падерина кетум потыр Людмила Теткина мәнщи ләтңыг хансыстә.**

## 14 тал яныт агит-пыгыт паспортыл майвёсыт

**О**леся Ткачук Ханты-Мансийск үст оlnә аги, манавн ляххал кетыс. Тав ос 14 тал яныт мот агит-пыгыт РФ Конституция ялпың хоталт паспортыл мүйлуптавёсыт.

Олеся манавн хансыс: «Амки паспорт катыт онышункве хосат тахсум. Төва юртанум оныщөгыт, ам иң үрхатасум. Яныг таквс этпост омам ёт эрнә нэпакыт щөпитанкве ялсумән ос хури вәрсум. Омам тонт номылматас, хумус тав Хальүст паспортыл майвес ос тот опаришнамөтыл нөтнэг хасхатуңкве эрыс. Ань нэпакум хаснэйивыл лөльсаң хот ул вос

пәңктыслум, тыммагыс ос мощ хурахласум.

Үст оlnә Ханты-Мансийский МОМВД кұщаиг оlnә хум Игорь Полетаев паспортыт мән катанувн мисанә. Ты элы-палт мәкөв эруптан магыс ләгың ләвыс, ёмщакв вос хаништахтасүв ос сәккон щирыл вос ольсүв. Тувыл үс образование департаментыт кұщаиг оlnә хум Юрий Личкун манав ос янытластә».

Ты тал Российский Конституция 25 талә төвлыс, ань та хоталт паспортыл маим агитпыгыт акваг номункве патыяныл.

**Потыр мәнщи ләтңыл Т. Мерован хасвес.**



# Ягрим няврамыт ялпың хөталт мүйлысыт

**Р**уц махум щирыл Йильпи тал январь этпос овыл щислат овылтахты. Маныцит ты этпос тал котиле этпосыг лавияныл, тыммагсыл пёс йис порат лавия махум тамле ялпың хөтал ат вэрыгласыт. Маныцит, хантыг хосат тагыл руц мир халт олэгыт, ты ялпың хөтал янытлаңкве ань ос патсыт.

Тав Ягрим павылт сасса махум ремёсла центрыт рупитан хөтпат маныщи, ханты няврамыт Йильпи тал овылтахтын кастыл ялпың хөтал вэрыгласыт. Няврамыт стихыт ловиньтасыт, эргыт эргысыт ос савсыр пумыщ ёнгыл ёнгасасыт.

Та павылт олнэ маныщи, ханты махум ремёсла центр-колн ватихал ань акван-атыглавет. Ювле хультум талт ват саграпнал этпост мань няврамыт, шко-

лат ханищтахтын агитпыгыт ос яныгхөтпат округув янытлан хөтал янытлаңкве тув вөвыглавёсыт. Тот рупитан нэт савсыр пёс пормасыт суссылтасаныл ос тув ёхталам мирн маныщи, ханты олупсаныл урыл потыртасыт.

Ювле хультум тал округув 900 талэ товлыс. Ты элы-палт учёныит савсыр пёс нэпакыт ёмашакв ловиньтасыт ос лүимав урыл тот латың хөнтсыт. Та пасныл Югра мав тасавит



талыл ловиньтаңкве та патвес.

Ремёсла центрын ёхталам мир ты пумыщ вэрмалле урыл ос потыртавёсыт, хоты пёс нэпакыт мән лүимав урыл манхурип латың хансым олы. Аквта суссылтапт хул алыщлан ос воряян махум пормасын суссылтавёсыт.

Ягримт олнэ мир ты выставка сунсуңкве

пуссын вөвыглавет. Тамле эрнэ вэрмалле ремёсла центрыт рупитан хөтпат акваг вэрыглэгыт, та павылт олнэ савсыр сасса махум тәнки пёс йис вэрмалыныл урыл савнув вос вэгыт ос мот мирыт мән культурав ос вос янытлыяныл.

**Г. Вынгилева потре  
маныщи латныл  
Л. Теткина хансытэ.**

## Хурит сунсыглым лүимә мирыт вавет



Ань павлытыт олнэ маныцит, сараныт, ёрныт олупсаныл вос касалавес, Ханты-Ман-

сийск үст «Мә-вит ос Элумхөлас» нампа музейт пумыщ суссылтап вэрыглавет. Лүимә мирыт хумус олэгыт, маныр вэрэгыт, маныр оныщэгыт, тот хурит сунсыглым пуссын ханищтаңкве рөви.

Ты манылат хум Илья Абрамов тав 2011 тал пасныл 2018 тал мус послум хуриянэ. Тав Екатеринбург үст олы, тот история ос археология институтт рупиты. Лов арыгкем тал ювле хультум порат маныщи махманувтыл пумщалахтуңкве па-

тыс ос тән олнэ павлытын ялыс, сав щёмьят ёт вайхатас. Тав воряян, хул алыщлан, салы үрнэ хөтпат хурин послыянэ. Ань атпан арыгкем хуриянэ суссылтавет.

Илья лавыс: «Ам ты хөтпат ёт румалахтасум, тананыл пуссын вэганум. Товат савалым олэгыт, олн сэлункве рупата ат оныщэгыт, тән туп хул алыщлым ос вораим олэгыт, маныр каттын-паттэгыт, таи тэпьялэгыт. Салы үрнэ махум палт ос ялсум, тән олупсаныл ос тарвityн. Ос тох олы,

ты махманув таксарыг олэгыт, тәнки халанылт ошхуль вэрэгыт».

Суссылтап овылтыт Ас-угорский институтт рупитан нэ Светлана Алексеевна Попова сав ёмас латың лавыс. Будапешт үсныл ёхталам нэ Чилла Хорват хурит ос суссанэ. Тав лавыс, ты хурит Венгрия мән тотыгла нувет ке, сака ёмас олнув, тән щань латың щирыл рут махманылтыл сака пумщалахтэгыт.

**Тамара  
МЕРОВА**

**Лүимә сәрипос**  
(Северная заря)  
№1 (1187), 10.01.2019  
**Соучредители**  
Дума, Правительство  
Ханты-Мансийского  
автономного округа – Югры  
**Издатель**  
Департамент общественных  
и внешних связей Ханты-  
Мансийского автономного  
округа – Югры

**Редакция**  
Врио директора –  
**Кондина Г.Р.**  
Телефон (3467)33-22-72  
Заместитель гл.редактора –  
**Кондина Г.Р.**  
Телефон (3467)33-22-72  
Ответственный секретарь –  
**Узель В.В.**  
Телефон (3467)33-23-09

**Адрес редакции и издателя:**  
628011, г.Ханты-Мансийск,  
ул.Комсомольская, 31  
тел./факс (3467)33-17-52  
**Е-mail: gazeta@khanty-yasang.ru**  
Газета размещена на сайте  
**www.khanty-yasang.ru**  
**Отпечатано:**  
ООО «Новости Югры-  
Производство» г. Сургут,  
ул. Маяковского, д. 14.

Индексы **04399, 54399**  
Тираж **1710** экз.  
Заказ **0002**  
Цена свободная  
Мнение авторов  
публикаций не  
обязательно отражает  
точку зрения редакции.

Газета зарегистрирована  
Управлением Федеральной  
службы по надзору в сфере  
связи, информационных  
технологий и массовых  
коммуникаций по Тюменской  
области, ХМАО-Югре и  
ЯНАО.

Свидетельство о регистрации  
ПИ №ТУ  
72-00795 от 23 января 2013г.